

Parlamento a pospone reunion riba color di bandera y lo busca conseho di experto

Debi na diferencianan cu a surgi

Ayera Parlamento tabatin un reunion yama, pa trata e colornan di nos bandera. Manera ta conoci, durante ultimo añanan tur hende por mira, cu tin hopi bandera di Aruba, pero tur di diferente color. Parlamento kier regla esaki “once and for all” y como tal un reunion publico a keda convoca ayera. Pero mirando e diferencianan di opinion cu tin e.o. den propio fraccion di AVP, Presidente drs. Paul Croes a dicidi di pospone e reunion aki pa un tempo indefini y lo busca experto pa duna conseho. Manera nos por corda, bandera di Aruba, tin un color blau unico, cu manera ta conoci den boca di pueblo, colornan di gusto di Betico Croes, cu di acuerdo cu difunto Director, William Crompton di British Flag Institute ta uno di PMS-300. Na 1988 ora cu Gabinete Henny Eman na final di su period a haya cu no por haya e color PMS-300 mas, a busca uno casi identico y tabata uno di Laster UN blue 279. Hopi hende a kere cu como ta haci mencion di UN, a kere cu



esaki nifica cu nos bandera di color di bandera di Nacionnan Uni, esta su color blau, siendo cu esey no ta permissible. Nel Oduber su Gobierno, a dicidi di cambia esaki y a opta p’e color blau 315, cu te awe ta bulando dilanti di Parlamento. Pero esey no t’e bandera di colornan

cu Betico Croes a bringa tanto p’e. Como tal Parlamento kier a revisa esaki un biaha mas, pero manera menciona, mirando e diferencianan cu tin, a postpone e reunion te cu un proximo aviso, mientras cu lo busca conseho di expertonan.